

արաբեկը չէր կամենում օգնել, որի արարքի պատճառը բռնամանկն էր, այլ ոչ թե վախը»<sup>17</sup>: Իվանեի և Շարվաչի ջանքերը նման պարագաներում զուր անցան. «Շարվան հենց տեղում գերվեց հույժ մեծ բազմության կողմից, իսկ Գառնիի սարերի ծերպերին ապաստանած Իվանեն վերևից զգված քարով սպանվեց»<sup>18</sup>: Ճակատամարտի վախճանը պատկերավոր է նկարագրում Կիրակոս Գանձակեցին. «Իսկ զօրն վրաց այնմ ուշ ոչ եղին, այլ փախեան ի տեղուջէ անտի, մինչև այր զընկեր ի փախուստ ո՛չ գիտէր: Եւ երթեալք առանց ուրուք հալածելոյ ամենեքեան ի վախից ի վայր մղեալք՝ ի ձոր անդր ընուին ի գլուխս քաղաքագեղն Գառնույ: Եւ իբրև տեսին զայն զօրքն սուլտանին, գհես մտեալ՝ զբազումս կոտորեցին և զայլս զահալէժ արարին»<sup>19</sup>: Ինքը՝ Իվանե աթաբեկը, հագիվ հազ կարողացավ փախչել և ապաստանել Գեղի (Քեղի) ամրոցում<sup>20</sup>, որտեղից էլ վերադարձավ Բջնի<sup>21</sup>:

Գառնիի ճակատամարտում Ջալալ ադ-Գինիի հաղթանակը սովորական չէր այն առումով, որ ձեռք բերվեց ոչ միայն և ոչ այնքան նրա զորքերի խիզախության շնորհիվ (ավելին՝ խորեզմշահը դժգոհ էր մնացել իր բանակի աջ թևի գործողություններից)<sup>22</sup>, այլ հակառակորդ բանակի զարմանալի թուլը դիմադրության հետևանքով<sup>23</sup>: Այս հանգամանքը հայ-վրացական զորքերի պարտության պատճառների հանգամանալից պարզաբանմանն առավել մեծ կարևորություն է հաղորդում<sup>24</sup>:

Քննվող խնդիրը լուսաբանող սկզբնաղբյուրներից ամենաուշագրով վկայությունները պատկանում են Վրաց ժամանակագրին, որը Գառնիում հայ-վրացական զորքերի պարտության հիմնական պատճառը համարում է միջ-

17 «Վրաց ժամանակագրություն», էջ 60 (այս և հետագա բնագծումները մերն են—Չ. Մ.):

18 Նույն տեղում, էջ 61:

19 Կիրակոս Գանձակեցի, էջ 225, հմմտ. Մխրթաբ Այրիվանեցի, Գատմութիւն Հայոց, Մոսկվա, 1860, էջ 66:

20 Ստեփանոս Օրբելյան, էջ 399, «Մանր ժամանակագրություններ», հ. I, էջ 39: Ամրոցի անունը հետազոտողները երբեմն հիշատակում են «Գեղե» (Քեղե) ձևով (Չ. Մանուչյան, Երկիր, հ. Գ, Երևան, 1977, էջ 199, Լ. Բաբայան, Հայաստանի սոցիալ-տնտեսական և քաղաքական պատմությունը XIII—XIV դարերում, Երևան, 1964, էջ 185, օ. Յ. Ջօջօնովիչ, խօսքը ցեղի, խօսքը ցեղի, III, ԹԺ., 1966, թ. 54, ժան. 2), այսպիսով ուղղական բնկալելով սեռական հոլովածը և առանց նկատի ունենալու «ի»-ով վերջացող հատուկ անունների հոլովական առանձնատկությունը (Ս. Ավագյան, Ի հանդուր անձնանունների սեռական, տրական հոլովների կազմությունը Ժ—ԺԳ դարերի վիմական արձանագրություններում («Մարը և հայագիտության հարցերը», Երևան, 1968, էջ 129): Ամրոցի պատմության և տեղագրության շուրջ տե՛ս Գ. Հովսեփյան, Խաղրակյանը կամ Պոռչյանը հայոց պատմության մեջ, Անթիլիաս, 1969, էջ 33, Մ. Հովհաննիսյան, Հայաստանի բերդերը, Վենետիկ, 1970, էջ 372—375:

21 «Վրաց ժամանակագրություն», էջ 61: Զ. Բունիաթովին թվացել է, թե Իվանեն Գառնիից անմիջապես փախել է Բջնի (ан-Насави, с. 363, прим. 6), քանի որ պատմիչը նշում է Իվանեի վերադառնալը. «Իվանե աթաբեկը վերադարձավ Բջնի, սուլթանը՝ Ատրպատական և Նախիջևան» («Վրաց ժամանակագրություն», էջ 61):

22 ан-Насави, с. 160.

23 Աղբյուրները չեն հաստատում այն կարծիքը, թե «Գառնիի ճակատամարտը չափազանց համառ բնույթ է կրել» (Լ. Բաբայան, նշվ. աշխ., էջ 185):

24 Անընդունելի է այն բացատրությունը, որ առաջարկում է Գ. Հովսեփյանը. ըստ նրա, հայ-վրացական զորքերը «շարաշար պարտություն կրեցին իրենց անփութության շնորհիվ» (Գ. Հովսեփյան, նշվ. աշխ., էջ 45):